

**PEMBERITAHUAN PERTANYAAN BUKAN LISAN
DEWAN RAKYAT, MESYUARAT KETIGA, PENGGAL KEDUA
PARLIMEN KEEMPAT BELAS**

PERTANYAAN : BUKAN LISAN

**DARIPADA : YB TUAN KESAVAN A/L SUBRAMANIAM
[SUNGAI SIPUT]**

SOALAN

Minta **PERDANA MENTERI** menyatakan cadangan Kementerian dalam merangka peluang pekerjaan kepada Orang Asli dalam meningkatkan pendapatan.

**JAWAPAN : YB SENATOR TUAN WAYTHA MOORTHY A/L
PONNUSAMY,
MENTERI DI JABATAN PERDANA MENTERI**

Tuan Yang di-Pertua,

Kerajaan melalui JAKOA komited dalam melaksanakan peluang pekerjaan kepada Orang Asli dalam meningkatkan pendapatan, di antaranya :

Hebahan makluman permohonan pengambilan pekerja Orang Asli dari syarikat swasta yang menghantar permohonan kepada pihak JAKOA.

menyediakan Program Latihan dan Kemahiran Kerjaya (PLKK) JAKOA bagi mengadakan kursus kemahiran dan penempatan pekerjaan kepada para belia /beliawanis, wanita dan Ketua Isi Rumah (KIR) Orang Asli. Program ini dilaksanakan bagi meningkatkan pendapatan hidup para peserta PLKK dengan jaminan pekerjaan setelah tamat berkursus.

Membuat kolaborasi sinergi strategik dengan beberapa Jabatan / Agensi Kerajaan seperti Polis DiRaja Malaysia(PDRM), Jabatan Pembangunan Kemahiran (JPK), Kementerian Pendidikan Malaysia(KPM) dan Suruhanjaya Perkhidmatan Awam Malaysia (SPA) di dalam mendapatkan latihan kemahiran pekerjaan dan penempatan bekerja di dalam sektor bidang polis beruniform, perguruan dan perindustrian dan sektor kerajaan.

memberikan bantuan insentif dana dan bantuan kos peralatan / fasiliti kepada para usahawan Orang Asli dalam menjana sumber pendapatan kewangan perniagaan dan perbelanjaan hidup.

Sekian, terima kasih.